



**OPIS POSLOVA I ZADATAKA TERMS OF REFERENCE (TOR)  
EKSPERTA/ICE ZA IZRADU UPITNIKA I DVIJE ANALIZE  
Analiza kapaciteta organizacija osoba sa invaliditetom u FBiH,  
Analiza resursnih potreba i mogućnosti razvoja organizacija osoba sa invaliditetom u FBiH**

**A. Pozicija: Ekspert/ica za izradu:**

Analiza kapaciteta organizacija osoba sa invaliditetom u FBiH

Analiza resursnih potreba i mogućnosti razvoja organizacija osoba sa invaliditetom u FBiH

**B. Lokacija: FBiH**

**C. Referenca na projekat:** „Važni i Snažni” – podržan od strane Federalnog ministarstva rada i socijalne politike

**D. Trajanje:** 20 radnih dana

**E. O organizaciji i projektu**

Naručilac usluga Udruženje građana “Nešto Više” je nevladina organizacija osnovana 1997. godine od strane grupe mladih ljudi iskusnih u radu sa organizacijama iz sektora civilnog društva u Bosni i Hercegovini (BiH). Izdavanjem rješenja RU-88/03 od strane Ministarstva pravde Bosne i Hercegovine, Udruženje stiče status organizacije registrovane na državnom nivou. Naši programi i projekti su realizovani u preko 70 gradova u Bosni i Hercegovini.

**Naša vizija**

Bosansko-hercegovačko društvo koje je moralno, odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice.

**Naša misija**

“Nešto Više” potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere koji vjerujući u sebe i druge gaje otvorenost i pripadnost svom društvu.

**Naš moto**

Učenje kroz rad.

**Naši Ciljevi**

1. Povezivanje i razmjena iskustava građana iz BiH sa građanima iz Evrope i svijeta;
2. Saradnja sa evropskim i svjetskim udruženjima i institucijama slične programske orijentacije;
3. Očuvanje i razvijanje prirodnog, te kulturno-istorijskog nasljeđa;
4. Zaštita životne sredine, energetska efikasnost i obnovljivi izvori energije;
5. Zalaganje za razvoj poljoprivrede, sa naglaskom na organsku;
6. Promoviranje i prakticiranje permakulture;
7. Sveobuhvatan razvoj ruralnih područja;
8. Zaštita i unapređenje mentalnog zdravlja, te osnaživanje i promoviranje zdravih životnih stilova;

9. Ekonomsko osnaživanje ranjivih kategorija društva: mladih, žena, osoba sa invaliditetom, stanovnika ruralnih područja, nezaposlenih;
- 10. Rad sa i za osobe sa invaliditetom u cilju njihove sveobuhvatne inkluzije u društvo;**
11. Pružanje raznih oblika pomoći ugroženim kategorijama u društvu;
12. Poboljšanje socijalno ekonomskih uslova života u BiH;
13. Podsticanje i razvoj preduzetništva mladih i stanovnika ruralnih područja
14. Unapređenje poslovanja preduzetnika i preduzeća;
15. Razbijanje predrasuda i zatvorenih sistema vrijednosti u BiH;
16. Rad sa učenicima i studentima, te poboljšavanje uslova obrazovanja i studiranja;
17. Podsticanje liderstva;
18. Institucionalno jačanje i razvoj samog Udruženja kroz stalnu edukaciju članova i zaposlenih, primjenu savremenih metoda u radu, angažovanje kvalitetnih vanjskih saradnika i stvaranje partnerske mreže;

Od 09. septembra do 31. decembra 2022 godine UG Nešto Više implemetira projekat „Važni i Snažni“ podržan od strane Federalnog ministarstva rada i socijalne politike. Generalni cilj jeste unaprijediti vještine i mogućnosti osoba sa invaliditetom i predstavnika njihovih organizacija kako bi postali finansijski stabilniji i jači u svrhu poboljšanja kvalitete svakodnevnog života i rada.

#### **Aktivnosti projekta su:**

Aktivnosti koje smo planirali bi obuhvatale izradu analize finansijske stabilnosti organizacija osoba sa invaliditetom i mogućnosti koje nude svojim korisnicima. Nakon toga slijede treninzi na temu vještina zagovaranja sa svrhom unapređenja života osoba sa invaliditetom i edukacije iz obezbjeđivanja finansiranja putem online platformi. Da bi kampanje bile uspješne potrebno je da se održe radionice iz oblasti promocije na internetu, društvenim mrežama i medijima. U svrhu samoodrživosti napraviti će se i praktična demonstracija socijalnog poduzetništva kao alata za poboljšanje svakodnevnog života i zapošljavanje osoba sa invaliditetom. Pokrenut će se saradnja organizacija osoba sa invaliditetom i organizacija koje nisu organizacije osoba sa invaliditetom iz FBiH u svrhu poboljšanja zajedničke borbe za prava osoba sa invaliditetom. U svrhu promocije projekta napraviti će se medijska promocija i izrada online promo materijala.

Sa tim u vezi, UG Nešto Više traži eksperta/icu koji/a će biti angažovan/a za posao pod stavkom **A)**

#### **F. Obim posla i odgovornost eksperta/ice**

- Potrebno je izraditi kvalitetan upitnik koji će biti jednaostavan za popunjavanje ali koji će dati konkretne pokazatelje. Upitnik treba biti jedan ali sa pitanjima međusobno isprepletanim koji će služiti za izradu dvije analize.
- Svaka analiza treba da se uradi studiozno sa grafikonima ali i tumačenjem dobijenih rezultata
- Obje analize trebaju biti zasebna cjelina dostavljena u formi za elektronsku distribuciju ali i sa urađenim prelomom za štampu.
- Ispoštovati postavljeni rok.
- Obuhvatiti najmanje 10 organizacija osoba sa invaliditetom iz FBiH, a po mogućnosti i više.
- Obezbijediti da osobe koje se nalaze u upravljačkim strukturama i koje raspolazu svim podacima o organizaciji vrše popunjavanje upitnika zbog što preciznijih podataka.

#### **G. Organizaciona razmatranja**

Ugovarač će raditi pod direktnom supervizijom Projekt menadžera. Ugovarač će se konsultovati sa Projekt menadžerom i projekt koordinatorom tokom cijelog perioda angažmana. UG Nešto Više kao naručilac posla će za potrebe realizacije projekta i aktivnosti ekspertu/ci staviti na raspolaganje svoje online resurse.

## **H. Autorska prava**

Sadržaj podataka dobijenih tokom angažmana je podložan zaštiti i vlasništvo je UG Nešto Više, te se ne smije, ni u cjelosti ni u fragmentima, koristiti na trećim stranama bez saglasnosti vlasnika. Upotreba podataka je moguća i opravdana samo u okviru aktivnosti projekta koji se realizuje.

## **I. Plaćanje**

Plaćanje usluga će biti obavljeno po izvršenju svih ugovorenih zadataka, a nakon potvrde Projekt koordinatora da su svi navedeni segmenti usluge uspješno isporučeni. Ovaj ToR biće sastavni dio Ugovora. Novčana vrijednost angažmana za kompletno odrađen posao iznosi 1280,00 KM bruto .

## **J. Kvalifikacije eksperata/ica**

Analizu će raditi ekspert/ica, koji/a treba da ima sljedeće kvalifikacije:

- Dugogodišnje iskustvo u radu sa osobama sa invaliditetom;
- Posjedovanje iskustva u radu sa nevladinim sektorom;
- Posjedovanje prethodnog istraživačkog iskustva kada su u pitanju osobe sa invaliditetom;
- Posjedovanje iskustva u izradi analiza i istraživanja, te pripremi gotovog materijala za online i printanu distribuciju;
- Prednost će biti data osobi sa invaliditetom u slučaju više sličnih prijava;

## **K. Način i rok za dostavljanje ponuda**

Svi zainteresovani aplikanti za dostavljanje ponuda, moraju najkasnije do 30. Septembra 2022.godine do 12h lično ili emailom dostaviti sljedeću dokumentaciju:

- Biografiju (CV), koja će predstaviti i Listu referenci - pregled radnog iskustva ili pruženih usluga u oblasti podrške osoba sa invaliditetom

## **NAPOMENA:**

Ponude se dostavljaju putem emaila prijave@nestovise.org ili lično na adresu: Udruženje građana Nešto Više Trg Sabora bosanskog 36, 71 000 Sarajevo